

四  
書  
偶  
談

四書偶談續編 內編上

時習

一部易經。祇坤卦坎卦有習字。坤土德爲一重厚。一重坎流機爲一步進。一步習之意理如是。坤之有常。坎之洊至。又各有時義也。

儉讓

真西山解注。儉。節制也。謂節自自然界限。制用力裁制。讓。謙遜也。謂謙不矜己之善。遜推善以與人盛。

四書俱讀續更  
德自然發見。豈煩用力裁制。又謙遜都說到事實。上不是光輝接人矣。

### 無求安飽

爲學之道。當先明取舍。大分以恥惡衣惡食。士而懷居富貴。是人所欲。章參看。則無求飽。無求安。正學所在。新安陳氏泥注云。志在學。自不暇於求安飽。將二句劃在學外。全不着力矣。

### 溫故知新

講章此爲溫故而不知新者發。非是。不知新豈是。

曾溫故之人。新境無窮。原不定限在故中。或然積  
新成。故愈求愈出。工夫全在於溫不溫。故則旋得  
旋喪。更何知新之有。

### 輓輓

古人制度一物異名。大車之輓。卽考工記車人長  
六尺之鬲。橫設在轅端。減小車之衡六寸。以大車  
兩轅一牛在轅內。較四馬車一轅兩服馬在外者  
不同。故橫木稍短。其不名衡而名鬲。取鬲牛不使  
外縱也。先鄭注。鬲轅端厭牛領者。邢昺論語疏。輓

以駕牛領無軛則大車不可行。兩說合。知軛鬲一物。第如鄭說。則牛領卽厭於橫木之下。別無駕牛之軛。朱子用何晏注。轅端橫木縛軛以駕牛。似軛又在軛下。小車之軛卽大車之轅。但大車轅二轅。身長二丈七尺而直。故曰大車之轅。摯小車止一轅。轅身長一丈四尺四寸。四尺四寸入輿下。餘一丈自軛以前。寫起如梁。詩謂之梁軛又曲而下。以持衡。厄馬領使不得出其鈞。衡處謂之軛。本卽轅之頸也。有卽以小車前之衡在轅端者爲軛。江末則說

軌又特衡之異名耳。

禮與其奢節

二句不平對。禮字大喪只就禮中抽出言。緣與其奢也。寧儉句。尙顯不出本來。乃更就喪禮中指出。惻怛不忍意思。本字便曉。然可見時講以上句屬吉禮。下句屬凶禮。吉凶對舉。自謂該備。不知周官吉禮專指祭祀言。該不得軍賓嘉諸禮。

旅泰山

祭山川謂之望。以遙望而祭也。又謂之旅。爾雅旅

陳也。言陳設其祭禮也。其玉幣埋於山足。謂之展。埋於山上。謂之懸。又旅卽臚。字傳祭山曰旅。韋昭音盧。班固述贊云。大夫臚岱。侯伯僭時。鄭德曰。臚岱。季氏旅於泰山是也。顏監曰。旅陳也。臚亦陳也。旅臚聲相近。義則一。士冠禮旅占注。古文旅作臚。周官司饒旅損。後鄭云。旅讀爲鴻臚之臚。陳之也。然則作呂音讀者誤。

旣灌而往

今人祭祀以酒沃地。卽古灌地降神之意。但古是

尸受而灌。故謂之灌尸。非若後世祭者自酌酌也。  
禘祫之禮。一獻。王執圭瓚酌。雝彝之匱授尸。尸受  
之。灌地而祭。繼是后以璋瓚酌黃彝之匱。亞獻。尸  
亦受而祭之。凡此二獻。謂之二始。以求神於陰。自  
後尚有七獻。合之爲九獻。灌在質明之時。謂之晨  
灌。乃祭之始事。諸禮節尙多。而一往誠意頓衰。故  
夫子有不足觀之嘆。

### 祭如在節

兩如字。就聖心形容。北齊簡平王八歲時。問將士



盧景裕曰。祭神如神在。有神耶。無神耶。對曰。有。王曰。有神。當云。祭神神在。何煩如字。景裕不能答。此意最可想。

以松以柏

以松以柏。古無解者。惟何休云。松猶容也。想見其容貌而事之。主人正之意也。柏猶迫也。親而不遠。主地正之意也。栗猶戰栗。敬謹貌。主天正之意也。論雖近鑿。可存之以備一解。

管仲器小

管子中匡篇施伯謂魯侯曰。管仲者。天下之賢人也。大器也。當時以大器目仲。夫子因辨之。

### 反坫

阮逸禮圖。坫以木爲之。高八寸。漆赤中。孔氏於郊特牲明堂位。皆云。築土爲之。在兩楹間。近南。尊在其北。坫字從土。凡堂角之坫。庾食之坫。楹間康圭之坫。俱係土築。疑孔疏是。然奠圭土上。必藉以藻率。則土坫上。別用木以承爵。而通謂之坫。阮說似可兼取。或曰。反坫以反爵。崇坫以康圭。乃燒土爲。

之。兩君體相敵。設尊在兩楹間。而反站在尊南。故曰出尊。若鄉飲酒爲大夫禮。尊於房戶之間。不當兩楹。飲畢。或如燕禮奠爵于篚而已。不得於尊南有站。又按堂隅爲站。禮有東站西站。爾雅謂之坵。汲冢周書乃立五官。咸有四阿反站。注反站向外室也。雜記管仲旅樹而反站。二事相連。黃氏曰抄。據此以爲皆宮室僭侈之事。

管氏而知禮二句

管氏賢大夫。傳嘉其讓不忘上。必不有心僭亂。只

是根源淺薄。平日未能謹小慎微。於先王制度。事  
事考究。知一名一器。有必不可假者。祇當從不知  
二字坐獄。若過深文。直亂臣賊子一流。豈但器小  
已哉。

### 里仁爲美

里仁字連稱。不成文。竟倒說仁里。亦非。里字照注  
讀斷。下三字連讀。爲字神理方出。凡里居或以  
山川秀異爲美。或以衣冠繁會爲美。又或以出產  
之饒。資生之便爲美。總不如仁厚之俗。有薰陶漸

染之益。仁爲美三字懸空指示。教人知擇非眼前現成有一个仁里也。

### 平仲善交

可見晏子於孔子必無尼谿見沮之事。平仲交魯處士蘇晉。齊大夫吳瀚。至老不衰。此善交一証。

### 子謂仲弓章

爾所不知人。其舍諸用人。不必皆出於己也。雖欲勿用山川。其舍諸賢才。更非人之所能抑也。仲弓平日畱意人才。故夫子廣之如此。不必定着本身。

說

汶上

水經汶水出泰山萊蕪縣酈道元注引從征記云汶水出縣西南流自入萊蕪谷夾路連山百數里水湟多行石澗中林藿綿濛崖壁相望陵高降深兼惴慄之懼危蹊斷徑過懸度之艱有別谷在孤山谷有清泉泉上數丈有石穴二口容人行言是昔人居山之處谷中林木緻密行人渺有能至矣觀此一段頗信前論閔子言必在汶上爲欲從山

深林密之境。借以遁跡無去而之齊意。今山東汶上縣春秋時屬魯。卽孔子所宰之中都。戰國時入齊平陸卽其地。

### 澹臺滅明

家語子路初見篇。澹臺子羽。有君子之容而行不勝其貌。孔子曰。以容取人。則失之子羽。又曰。吾欲以顏色取人。於滅明邪。改之。然則滅明固美秀而文者。史記弟子傳。滅明貌狀甚惡。已受業退而修行。孔子云云。一人而所記美惡互異如是。左氏

哀八年傳吳師至鄫人道之以伐武城王犯嘗爲之宰澹臺子羽之父好焉國人懼注犯本吳大夫奔魯子羽父與善國人懼其爲內應子羽非公不至遠跡宰室行過其父多矣

誰能出不由戶章

誰能出不由戶口氣不是盡人知由直是違拘不得何莫云云者怪其於彼不能於此偏能也

在齊聞韶

顏淵問爲邦章論韶以容故稱舞此以聲音故曰



聞子謂韶章則兼論聲容矣。末句李安溪將注意畧那動云不意古今爲樂者至於如此神吻旣肖且不似夫子平日全然不知舜樂到此方駭嘆。

欲仁仁至

轉移只在一念。固合歆動學人口氣。但說來易似禪門頓悟。明補工夫。又言外添出。鄙見祇須看重欲字。一念此欲。念念此欲。一日此欲。終身此欲。則工夫自包在內。更不煩另補矣。苟志於仁矣。苟誠也。欲仁之欲。具有誠字意。一日克己復禮。一

日用力於仁。皆謂確然有此一日。非驀然如是。一日。然則欲字。何獨看作一念。

如有周公之才章

周書寤儆篇。周公曰。不驕不恡。時乃無敵。恡卽吝也。緣公平日有此言。故特現公身爲恃才者說法。

卑宮室而盡力乎溝洫

周官匠人營宮室。又九夫爲井。井間有溝。十里爲成。成間有洫。洫深廣八尺。溝半之。亦匠人之職。夏后氏上匠。周人想卽本之。崇侈宮室。多役工匠。安

能盡力民事一畀一盡力兩邊正對照。朱子或問引書濬畝浚距川何義門因謂盡力溝洫是治天下小水小水亦治則土盡可宅然古人溝洫原爲井田而設全離井田說非是問百詩謂治水以救溺治田以救飢方其治水輒隨手治民間之田似較何說該備第此所論當是禹已爲君非方治水時事。

冕衣裳者

周生北溟疑冕祭服之冠服冕必廟祀森嚴之地。

尋常安得見。始指其人爵尊得服冕者。余日記不云乎。尸弁冕而出。卿大夫士皆下之。子嘗不脫冕而行。何必塗次無適遇者。但冕衣裳古論語原是弁衣裳。鄭康成本作弁云魯讀弁爲絕。今從古。鄉黨篇亦然。絕卽冕字。見說文及李善注。

爵弁制與冕大同。唯無旒。兼作爵色爲異。又冕者俛也。低前一寸二分。爵弁前後平。其尊卑次於冕。此則貴者通服。不專用之祭祀也。凡冕服皆元衣纁裳。卿大夫元冕衣無文。裳刺繡。士冠禮爵弁服纁裳純衣。

韞匱而藏

韞字從韋。韋熟皮也。說文獸皮之韋。可以束物。字書韞義爲包藏。陳琳悼龜賦。山節藻梲。旣櫝且韞。謂旣承之櫝。復包之皮。韞也。匱也。皆所以爲藏也。不舍晝夜。

與孟子所言微不同。此以流之不息言。彼則謂其源之不斷也。

何用不藏合下節

何用不藏。言人能不忤求。則隨處貧富而皆宜也。

何足以臧。天下之善無窮。不止處。貧富之一境而  
卽處。貧富亦不止於不伎求也。如此看二節界限  
分明。神氣亦各得。時講以下節針砭子路。并將何  
用。不臧句看壞。謂不過可以臧。尙未能至臧。于何  
用字全未領畧。終身誦。是子路篤信處。不用說自  
喜其能。

揖所以立節

兩君相見。君出接庫門之外。直闕東。南面。邢疏作  
南西嚮立。蓋避南面不敢居也。若賓則無嫌於北

面不須斜立。

趨進

渾言擯者趨入有事。殊無分曉。按禮注。凡君與賓入門。賓必後君。介及擯隨之。竝而雁行。既入。則或左或右。相去如初。知入門時。不得有趨。及廟上相有事。獨入。亦從君行。不趨。趨則在君前矣。惟賓既入廟。君與賓皆升堂。擯者退居中庭。及賓致命。公左還。北嚮。將拜。祝。擯者因從中庭進。至阼階。西釋辭于賓。以相君拜。所謂趨進。應在此時。禮君命。

各二節以走一節以趨又父命呼走而不趨走急而趨緩特較行則趨又爲急耳然禮又有徐趨疾趨之別

### 賓退節

每苦復命字無著按聘禮公再拜送賓不顧注公既拜客趨辟君命上摈送賓出反告賓不顧於此君可以適路寢矣疏云據上摈送賓出後迴謂君云賓不顧矣夫子時攝上摈君命之送賓故有復命事賓介不答拜禮有終賓不顧三字是禮文夫



子所異在。必據禮文以告。非謂當時爲擯者不復命。夫子獨復命也。賓既告事畢。衆介逆道賓而出。公出送大門內。賓退。是退出廟門上牆送賓。送至大門外。是時君方致其再拜之敬。故復命以紓之。若賓退至館。則君歸路寢久矣。況送至館。自有訝者送之經文乎。

### 立不中門

門以向堂爲正。自外而言。東扉實。右扉西扉則左扉也。君臣出入恒由右扉。皆就東扉。言饒氏謂出

則以東扉爲左。入則以西扉爲左。是左右扉無定所也。燕禮注。凡入門而右。由闕東。左則由闕西。所謂入門右入右扉也。所謂由闕東。拂闕之東而行。卽不中門之謂也。玉藻。介拂闕。士介拂楹。乃兩君相見。爲摯介者隨君而入。如此與平時入公門禮不同。顧麟士引以証不中門。則介拂闕下。所謂大夫中楹與闕之間。豈大夫獨當中門哉。

### 過位三節

過位之位。前輩定指庫門內。而以升堂之堂。屢雉

門內蓋認升堂節爲正朝而庫門內之位非君所

常御。按君不常御之外朝人臣每朝必過此虛位。

始進雉門而謁君於堂下。何義門汪武曹王細考

之不然。尙雅門屏之間謂之寧疏謂路門之外屏

樹之內人君視朝寧立之處。朱子據以解位字蓋

君日視朝於此朝畢則退適路寢而位虛矣然則

曷爲又過之。諸臣各在官府治事如議論政事君

有命臣有進言更須到路寢君聽政處由此而過

也。三朝惟路寢有堂。據詩檜風孔疏及若寢門外

朱子儀禮釋宮

寧立處止一片平廷無堂。

平地曰廷。朝處係平地。無堂階。故謂之朝廷。

故知升堂係內朝議政時事。非正朝也。大抵位在雉門內路門外堂。更在路門內過位。升堂俱在朝。後此章不記正朝事者。君在踧踖如也。與與如也。已記之於前矣。臣與君行禮必拜階下。君辭乃升。成拜人多據以解升堂字。不知古時朝禮。君出立寢門外。無坐接羣臣事。其地亦并無堂。又君臣皆揖。並不拜跪。其有時臣拜階下。或升成拜者。乃燕賜時之禮。朝制初無此。

朝見行拜跪禮起自秦。

朱子曰。

路寢庭在路門之裏。議政事則在此。路寢卽燕朝。  
鄭注太僕王圖宗人嘉事則在燕朝者。舉一節而  
言耳。玉藻君日視朝。退適路寢聽政。旣爲聽政所。  
在。必非宗人得入。異姓之臣不得入也。戴記孔子  
皆燕見時事出降一等。退而下堂。卽謂之出。非  
當在此堂。侍坐侍食出門之出。下階復位。復其堂下之位。非治朝之位。

執圭節

聘禮。宰執圭。自公左授使者。使者以授上介。上介  
屈纁出授賈人。自此皆藏櫝中。惟入境時一展執。

旋又藏之。至將入廟門。擯者出請命。賈人東南坐。啓櫝。取圭授上介。上介以授賓。賓始襲執圭。擯者入告。出辭玉。仍執以進。是執圭正入門時。事鞠躬如也。兼入門之敬。如不勝則全執圭之敬也。自是而至階。公升二等。賓升西楹。階自下而上。故有上如揖。下如授之喻。升堂。手有玉不得攝。齊足蹢蹢。如有循者。防傾跌也。曲禮凡奉者當心奉。必兩手。又言執主器則尙左手。疏云。擎奉此物則右手在下。左手在上。左尊故也。又執天子之器上衡。國

君平衡。平衡卽當心之謂。

### 享禮

聘玉降其君瑞。一等享玉。又當降聘玉。一等躬桓等圭。君所執之瑞。不以聘。聘用瑑圭。有圻鄂瑑起。考工記瑑圭璋八寸。以頰聘。是聘君用圭。其享以璧。聘后夫人用璋。其享以琮。蓋不得而同。秋官小行人合六幣。注六幣所以享也。五等諸侯享天子用璧。享后用琮。用圭璋者。二王之後也。觀此則諸侯使大夫聘而行享。必無用圭之例。鄭注旣聘而

享用圭璧。集注沿之。其實圭字宜衍。

### 私覲

私覲後有私獻一節。聘禮記既覲。賓若私獻。奉獻將命。注謂時有珍異之物。賓奉之以自序尊敬。据私獻爲己物。則私覲之束錦乘馬意。亦公家所給。俾臣得將其私敬者。不然既覲而又獻。是屢以其私于矣。江慎脩云。私覲亦公家之弊。但對享禮爲私耳。又聘記君親禮

賓。賓私面私覲。注私面謂以禮物見主國卿大夫。私覲私以禮物見主國之君。聘禮賓奉束錦以請。



覲又賓面如覲幣注疏竝私面據卿私覲據君獨  
秋官司儀及禮私面私獻皆再拜稽首注云私面  
私覲也既覲則或有獻者與禮記儀禮異左傳楚  
公子棄疾見鄭伯以其乘馬私面又晉宣子私覲  
於子產於君稱面於臣稱覲傳記雜出當以聘禮  
及聘記爲據

### 齊必有明衣布

明衣是第一重親身之衣凡朝祭之服皆先著明  
衣次加中衣次加裘葛再於裼衣之上加禮服

此見

邢疏記云齊之元也。以陰幽思也。齊時外當有黑色。服夫子於其內亦必著明衣。重交神致其潔不異朝祭也。禮記深衣篇鄭氏目錄云士祭以朝服中衣以布玉藻曰以帛裹布非禮也。中衣布明衣自然亦布矣。若其色亦當用元。知者古人服皆中外相稱也。又考古在內之衣名澤。詩曰與子同澤。以其親膚近垢澤亦曰相服。見左傳說文和日日所常衣也。近體膚又日常著嫌褻故如朝祭別爲明衣。志潔特制度未聞。或据士喪禮明衣裳用幕布袂。

屬幅長下膝云云。此尸所著。疏所謂一服而不動者。故其長下膝。且及股。生人裹衣。未容長至足跗也。鄉黨圖考所引疑誤

食饘而餲節

爾雅食饘謂之餲。合饘餲爲一。朱子本字林以飯傷濕熱解饘字。而以餲爲味變傷濕熱者。水火不得宜。味變者。陳人所致失飪。或過熟。或半腥半熟。過熟爾雅所謂搏者謂之糲也。半腥半熟。爾雅所謂米者謂之櫟也。

肉雖多

與。惟。酒。無。量。一。例。言。食。肉。非。陳。饋。之。多。也。或。烹。調。之。善。或。主。意。之。殷。較。平。時。肉。量。稍。進。然。終。不。使。肉。氣。勝。穀。氣。如。此。看。雖。字。更。活。潑。有。情。

祭肉不出三日

韋昭國語注。天子諸侯祭之明日有繹。卿大夫曰賓尸。與祭同日。恐分其誠敬之心。本日無暇致胙。禮賜君子。小人不同日。頒肉時。自諸父昆弟逮輝胞翟閭。須有先後。故必得三日而徧。不然何必待。

三日。

問人他邦

江慎脩云。孔子拜送使者。亦當下堂拜送於阼階之南。儀禮注。凡爲人使。不當其禮。其時使者不答拜。又按檀弓。古之大夫。束脩之間。不出於竟。前輩言子華使齊。非夫子官司寇時。以人臣無私交也。此問人他邦。亦屬居鄉事。

疾君視之節

玉藻。君子之居恆當戶。寢恆東首。室制尊西。君入

室必西負東向。夫子敬君在下句方見。

朋友之饋節

除却祭肉與凡饋等祭肉之拜是變例。雖車馬不拜是通例。

柴也愚章

楊氏曰。四者性之偏。性安得有偏。愚魯是氣質之偏。辟彥是氣習之偏。

敬而無失節

李衷一曰。能盡敬恭。雖四海之內都是兄弟。疎者

可親。況親者乎。何患乎無兄弟。當從自己兄弟看。不當從四海看。

年饑節

渴歲民賦不供。又想加賦。哀公愚不至此。下二吾猶不足語。乃因有子請行徹。誤認其意爲民全不知國計。驚駭而出。發問之始。只是憂貧及商。備荒之策。注加賦字。莫認殺。

仲弓爲季氏宰

宰邑長家臣之通號。凡係地如費武城。莒父。類都。

是邑宰此不係地。是家臣大夫之老也。大夫之老不止一人。下節舉爾所知云云。正謂盡其在我。以爲人率。則同事自然交勸。程子引人各親其親。二句爲喻。雖見聖賢心胸。似人字說得過泛。

### 衛公子荆章

古者五十命爲大夫。春秋則世族父子相繼保有厥家。何有始有少有之事。緣荆係公子。少長宮中。及壯而授室。與之采邑。而爵之爲大夫。此爲有家之始。須有一番經理。居室是少不得事。而能循序。



有節如此。所以可貴。不然。則人臣國爾。忘家居室之事。豈足畱意哉。

冉有僕

此曲禮所謂僕者。降等者也。按禮疏云。古者僕用好人爲之。周禮諸僕皆大夫士。別有人率馬駕車。而此僕既知車事故。監駕也。蓋但於升下及車中照應一切。並不親從賤役。不然。豈有以大夫士而辱在泥塗者哉。

葉公問政

諸梁楚司馬蓋國大臣稱葉公者葉其所封邑春秋之卿往往以邑冠如趙氏晉卿封原稱原大夫宋向戌爲左師食采于台稱合左師其明証葉公當楚國新敗諸侯皆貳之日其問政慨然有招攜懷遠之意非瑣瑣爲治葉計若止一縣尹後日安能手定白公之亂又安能以一身而兼令尹司馬不得中行節

此卽在陳思狂意與孟子層遞說下者不同重在狂狷先借中行襯起非不得已而思其次也便

得中行狂狷在所當與況中行不可得舍此更有何人必也二字神理如是

爲命節

固是辭命非命令要常知國書與使辭有別使者受命不受辭隨機而應非可預執如其有失咎在行人國書則圖於使者未行之先臨行君朝服出門左南嚮令宰授之但於發幣時令史一展讀俾行人知使旨其得與失乃謀國之事故須衆賢共爲聘禮記束帛加書將命百名以上書於策不

及百名書於方注名書文今謂之字辭多則史少  
則不達辭苟足以達義之至也往來辭命不出百  
字內外此命之正體非若後人專尚繁富若行人  
應對如左氏所載有極長者至辭命之善亦不出  
孫而說三字 命有自我往者有彼來而我答者  
有可準舊典行者如尋常聘問及致福贊喜補災致禱等事有無或規  
可執者如大國徵朝索幣要盟及討罪類一言善否利害攸關不  
特大國宜慎辭卽同列亦然專主施之晉楚於時  
事則切於道理轉隘 子產寓書宣子叔向遺書

子產子產復書雖亦國家之事係人臣自往來與國信無關

爲趙魏老則優

春秋之晉政出私門一切會盟討伐無不由趙魏安得謂大家勢重而無諸侯之事云無者以老言不以趙魏言也家老望尊對衆家臣言不對大夫言家老不尊於大夫也宰兼衆職自有官守然與任事於朝者不同此則對下句大夫言也嘗私論爲趙魏老優不是於才上較論緣公綽廉靜寡欲

而趙魏大家方刻薄聚歛得公綽爲之老庶能風以止足之義無侵上虐下之事此之謂優若云大家事務不煩公綽雖短才從容可理恐非當日趙魏情勢至滕薛大夫不可爲亦當於國小政繁中兼不勝大國之貪求說於上句益見針對

### 晉文公章

序晉文於齊桓之先明後來加甚創霸者猶不遽如是也晉主夏盟十一世皆承文公遺業而襲其故智咎晉不得不追咎文公

桓公殺糾

馬遷杜預並言子糾是兄不但荀子其以桓爲兄。惟見薄昭與淮南厲王書。韋昭注漢書。謂昭因厲王。文帝之弟。諱言殺兄。改齊桓殺兄爲殺弟。則程注云云。不得據爲定案。總之兩人皆亡公子。非有君臣定分在奉之出奔者。亦未嘗有荀息仇牧之責。故死不足深嘉。不死亦未足深責。

硜硜

硜硜。卽指磬聲。見何晏集注。朱注。石聲。石卽磬。書

拊石擊石是也。禮記石聲磬。史記引樂記云石聲磬。可見磬卽是磬聲。

### 欲速成

非謂速欲有成。乃速欲進於成人之列。何以故。速欲有成。尙是知求益者。

### 問陳

靈公不堪晉人之辱。其問陳。蓋欲叛晉。

### 周冕

注冠上有覆。前後有旒。按大戴禮及東方朔答客



難。皆云冕而前旒。所以蔽明。玉藻。天子十有二旒。前後邃延。謂版長尺六寸。自延端至武。前後皆深。邃。非謂後亦有旒也。鄭康成誤。據叔孫通漢禮器制度。云天子前後共二十四旒。旒十二玉。通用玉二百八十。前旒以蔽明。示不斜視。後旒於義何取。郊特牲言戴冕璪十有二旒。以則天數。二十四旒。非天數矣。況二百八十玉之繁重。卽首不能勝。計必去其半而後可。夏殷冕制。見於禮器。第夏殷天子冕采綠二藻。周則天子五采藻。固不如周之。

文矣。又周旒數隨命數。夏殷五等諸侯。概九旒。周一命大夫有冕無旒。士惟服爵弁。夏殷則上大夫七下大夫五。士亦服三旒之冕。其等威之辨。亦不如周。所以夫子獨善之。周禮春官五冕之制。皆聯衣裳采章言之。舉冕而服。該其中第。周冕旒玉皆十二。服則改爲九章。無日月星。

### 固而近費

固是山谿之險。周官大司馬。負固不服。則侵之。注。固險可以固者也。戰國策言秦東有殽函之固。魏

武侯濟河嘆美哉河山之固皆指地形險要言考  
漢志潁與國在泰山郡蒙陰縣蒙山水經注治  
水從臨沂東流逕蒙山下又東南逕潁與城北是  
則其地實依山枕水憑恃險阻易於出沒不常加  
費邑在其東南相去僅兩舍有餘實逼處此故季  
氏深以爲慮若祇城郭完固不過攻之不易未便  
憂及子孫也古制子男城僅五里附庸又當減  
之庸同墉城也王莽謂之附城制度卑小可知費  
則魯大都爲季氏宗邑襄七年季孫宿又加城後

孔子以其過制隨之計其強固當數倍顓臾故知所慮不在此朱子却據周官掌固及禮運城郭溝池以爲固之文爲注或當日顓臾竟如偃陽城小而固未可知兼注尤不肯注

### 蕭牆

鄭注蕭之爲言肅也疏云臣來至屏而起肅敬故謂屏爲蕭牆春秋時大夫皆僭臺門旅樹之禮

### 陽貨欲見孔子節

貨家臣耳何得據大夫禮毛初晴曰古三卿之臣

有下大夫卽是陪臣。謂卿之陪貳。季氏司徒原有下大夫小宰小司徒二人。因思左傳叔孫氏之司馬。駸戾小司馬亦下大夫。本皆大夫職。始爲之貳。後遂爲之屬。由是公臣皆變私臣。致檀弓有家大夫之目矣。

### 孔子下

車輿之制。前與左右皆有板。而缺其後。乘者自後升。亦退從後而下。少儀僕於君子。君子升下則授綏。知下車亦必執綏。

荷蓀

說文蓀草田器本作蓀。蓋去草物。故字從草。非竹器。

夷逸

四書默雷載夷逸。夷詭諸之裔。族人夷仲年爲齊大夫。夷射姑爲邾大夫。獨夷隱居不仕。覽之不覺失笑。詭諸周大夫。食采於夷。爲晉武公所伐。逸出其後。容未可知。若夷仲年則齊僖公母弟。公孫無知之父。豈得爲其族人。射姑自是邾臣。更無攖連。

爲一族荒誕若此大類今之脩譜牒者乃亦入四書講中耶

師摯適齊章

周禮春官王大食三侑皆令奏鐘鼓注大食朔日與月半也則未必每日奏樂侑食玉藻云皮弁以日視朝遂以食日中而餽奏而食又似凡日皆然

又玉藻進饌

沐而飲酒曰饌

進羞工乃升歌疏升堂以

琴瑟而歌此在堂上故先序餘鼓鐘磬皆在堂下李安溪所謂此章官名次序分堂上堂下言之

但各舉其職不專就侑食一事論。

聽其言也厲

溫是春氣。厲則秋象。一言之發。肅若清霜。恰是溫字。變相。徒以辭確爲解。聖言豈有不確者哉。

孟莊子

春秋襄十九年八月。經書仲孫蔑卒。次年正月。卽書仲孫速會莒人盟於向。秋。帥師伐邾。莊子以孝稱。何故不行三年之喪。前人多疑之。按禮有云。大夫士既葬。公政入于家。既卒哭。弁經帶。金革之事。



無辟也。莊子代父爲卿。未練而與會。未祥而臨戎。其殆合於禮之變與不然。何以經無貶詞。

舜亦以命禹

堯以天下授舜。卽授舜以治天下之道。舜以所受於堯之天下。授禹。亦卽以所受於堯治天下之道。授之。堯之命舜。一訓一戒。舜加危微精一之語於允執厥中之上。所以使之審擇而能執。則訓之至矣。又於四海困窮。天祿永終上。加無稽之言勿聽。以至敬修其可願等語。使勿至於如此。則戒之切。

矣其詞有詳略而義則一。今人忘此爲授受天下  
本旨。擴道心二字。謂古聖相傳心學。因專指危微  
精一十六字爲傳心之要。不知舜命禹之詞。具見  
大禹謨者。初不止十六字。而離治天下言心學與  
章旨又何涉乎。須知二典三謨中。凡堯舜禹所  
行所言。一中字盡之。特於授受之際。更明白訓戒  
訓者。訓其中戒者。戒其失中。凡以明身任天下者  
之重。豈以此爲有所秘授哉。中庸用其中於民  
之中。卽允執厥中之中。

欲仁得仁句

主愛之理言始切論政李厚菴云欲仁愛於民而得吾仁愛之本心不干譽不望報何貪之有

四書偶談續編 內編下

知止節

知止二字通節之綱。知至善之所在而志求之以堯舜之聖爲必可爲。以唐虞之治爲必可復。則能定者意。日趨於誠。能靜者心。日趨於正。能安者身。日趨於脩。而凡家國事所以處之者。必日進於精詳。然非知至豈能知止。此以起下先致其知也。

物有本末節

物。卽。格。物。之。物。萬。物。皆。備。於。我。天。下。無。性。外。之。物。  
就。物。而。論。則。有。本。焉。末。焉。而。事。之。終。始。因。之。不。審。  
先。後。之。序。必。有。雜。施。而。不。孫。者。然。非。格。物。固。不。足。  
以。知。之。此。又。以。起。下。致。知。在。格。物。也。

欲明明德節

天。下。之。本。在。國。國。之。本。在。家。家。之。本。在。身。此。物。有。  
本。末。之。大。綱。不。可。不。知。也。知。其。在。家。則。知。遠。之。近。  
矣。知。其。在。身。則。知。風。之。自。矣。身。之。主。惟。心。心。之。發。  
爲。意。心。微。而。意。已。向。於。顯。此。其。微。之。顯。者。尤。不。可。

不知也。蓋莫不有本末存焉。欲致其知在於格物。格也者。自本至末。於其大小遠近。內外微顯之間。各見其情。各識其理。而後可。各如其分。以付之盡。天下之物性。然後吾萬物皆備之性亦盡。故欲明明德於天下者。欲知其事之先後。必在格於物之本末也。

物格知至節

知至則知止矣。則知所先後矣。此節覆申上文。物之本末。既明則事之始終。自得其序。

自天子兩節

反覆申明物有本末之義。大學古本末有此謂知本此謂知之至也二句。

瑟兮僴兮者恂慄也。

講家泥此爲己得止。云不假矜持。自無放逸。太說得自然。恂謹。僴慄。豈自然字樣。且如此解。與注嚴密。武毅字無一肖面矣。不嚴密則物得以乘。不武毅則物得以屈。瑟無一點空隙。僴無一些懈處。內心敬懼。正如大將臨敵光景。

## 伐冰之家

周禮春始治鑑。凡內外饗之膳羞鑑焉。凡酒漿之酒醴亦如之。祭祀共冰鑑。賓客共冰。大喪共夷槃。左傳食肉之祿。冰皆與焉。孔疏在官之食有冰。下云自命夫命婦無不受冰。是冰得兼食言之。注單指喪祭舉重耳。但孔疏云云。皆謂君賜歸用。其得自伐與否。經無明文。

## 子程子

公羊子沈子曰。注。沈子稱子冠上者。著其爲師也。



不冠以子者。他師也。朱子蓋以師尊。程子故云。  
按列子天瑞篇。有子列子。又國語吳使王孫雄行。  
成於越。呼范蠡曰子范子。亦有偶然稱謂如此。不  
盡如公羊注所說。

忠恕違道不違

泛說道字。往往與忠恕不相粘合。只辦得自然勉。  
強套語。不知道爲人心同然之理。本忠行恕。正以。  
人同。此心同。此理違道不違。卽就同字上見得。又。  
道字。只作仁看。注引張子語。証明正恐人摸不着。

頭路。忠恕字不平。觀下文及小注。側注在恕下。節則求盡已之事。

無入而不自得

謂無入而不自得其位所當爲之事。此正君子喫緊爲人處。下不怨尤。并有失而反求。亦包在內。非從容自得之謂。

正鵠

詩終日射侯。不出正兮。毛傳二尺曰正。疏正大於鵠。三分侯廣而正居其一焉。儀禮大射儀鄭注正

者正也。亦鳥名。齊魯之間名題肩爲正。正鳥之捷。黠者射之難中。以中爲雋。故射取名焉。正畫於布上。鵠則剪皮而貼之。

辟如行遠二句

講章盡性至命。必本於人倫日用之常。精義入神。必原於洒埽應對之末。乍看似有理。不知此二句。只空引下方舉詩及夫子語。以明必自卑邇之意。且觀下文。卽人倫中分高卑遠邇。顧以性命爲高。遠倫常屬卑邇。立言全背矣。至說到洒埽尤遠尤

淺更不足論。上章盡己。此章盡倫。由盡己推到盡倫。而盡倫中。又由妻子兄弟推上。父母能事父母。而後可以事天地鬼神。故下章接說鬼神三章。蟬聯而下。皆自邇而遠。自卑而高。又皆卽是由庸行之常。推之以極其至。

鬼神爲德二句

任翼聖曰。鬼神卽上天之載。天命所以行。而人性所自來也。德卽知仁勇也。語其清濁。知陽仁陰。語其動靜。仁陽知陰。其大生者。仁各正者。知不已者。

勇也能生能長能收能藏陰陽各一其性欲生欲長欲收欲藏陰陽各一其情生之長之收之藏之陰陽各一其功物之既生既長既收既藏陰陽各一其效性情者良能功者功用效卽造化之跡也

追王

按禮大傳武王牧野克殷卽追王太王王季文王又泰誓止稱文考金縢卽稱三王是追王在武王時明矣唐孔氏謂武王只加以王號周公攝位以王禮改葬此甚不然周有天下一切典禮委之周

公卽武王在時何不可謂成文武之德耶或謂善則歸君

追王在武王時宜歸之武王則武王既沒獨不當歸之成王耶

### 父爲士四句

夏商庶士卽起家爲卿大夫不爲祖父追立廟則猶祭以士庶耳故上祀之下達自周始

### 三年之喪四句

爲父斬衰三年爲母齊衰三年父在爲母期十有五月而禫統稱三年以本服言子以心喪終三年父必三年而後娶自天子達通乎天下也 父母

同服父在不降起於唐武后後世遵而用之

### 宗廟昭穆

周禮建國之神位。右社稷。左宗廟。宮南向而廟居左。則廟在寢東。聘禮公迎賓於大門內。每門各曲揖。賈公彥疏云。諸侯五廟。太祖之廟居中。二昭居東。二穆居西。每廟之前兩旁有隔牆。牆皆有閣門。諸侯受聘於太祖廟。太祖廟以西有三大門。東行至太祖廟。凡經三閣門。故曰每門也。據此則廟皆相並排立。天子七廟。則三昭居東。三穆居西。朱子

中庸或問用孫毓說太祖居中二昭二穆以次而南。晚年作儀禮釋宮乃改引賈疏以如孫說則聘禮迎賓不得有每門每曲揖也。祖宗昭穆之序亦當與子孫有別。周初七廟高圉亞圉以下恰是一昭一穆父子相間。故子孫可依爲序。若後來懿孝侄居叔上。祔廟論繼立先後不論行輩尊卑。使子孫依以爲序不大亂乎。一君祔昭廟則一君祔穆廟如兩世兄弟繼立到祔廟自一居昭一居穆以兩君無立祔一廟之理。若子孫則行輩尊卑。



昭穆自有定也。朱子議禘禘太祖為昭太宗為穆不見昭穆不能拘父子如謂兄弟並祔同祔則又廟有數主無數矣

### 踐其位

古人廟堂南向室在其北東戶西牖皆南向神主居室西壁下東面。室西南隅為奧尊者居之故神主在焉祭則太祝迎尸入室位設木主故祭時君純冕立於阼夫人副褱立於東之左故祭時君純冕立於阼夫人副褱立於東房。二句出祭統皆不正向堂室而偏東行事之際所謂位也須入戶西向致敬小雅孝孫徂位工祝致告注祭事畢主人往阼階下西面立祝傳尸意告利成於

主人其必西面立者正以尸坐西而東也。

### 治國如示諸掌

古注示讀如寘諸河干之寘。寘置也。物而在掌中。易爲知力者也。古寘字多作示。易寘于叢棘。劉表。宣作示。穀梁注引易亦然。詩示我周行。箋云示當作宣。

### 方策

聘禮百名以上書於策。不及百名書於方。又旣夕。禮書。賵于方。書遺於策。葉少蘊曰。策大而方小。策。

以衆聯方一而已。通考引黃氏洵饒又謂版大簡小。大事書于木版。小事書於竹簡。按鄭康成論語序云易詩書禮樂春秋策皆尺二寸孝經謙半之論語八寸又鄭注尚書三十字一簡之文服虔注左氏云古文策書一簡八字卽策亦有大小也

禮儀三百二句

由吉凶軍賓嘉五禮析之爲冠昏朝聘燕享蒐狩  
禘嘗等禮凡三十六。又析之爲冠有三加昏有六  
禮祭有饋食朝踐諸節則三百。又析之爲升降拜  
稽進退諸文則有三千五禮是總綱三十六禮是

大綱若禮儀則是目威儀又目中之目此專舉繁多者以明道之入於至小無間。豈非一綱一目對言也。

### 車同軌二句

匠人度涂以軌涂之廣狹準車所行故車之異同卽視涂之轍自秦并阡陌盡改涂制又以六爲紀輿用六尺視周人之制而縮其六寸至命李斯程邈更制小篆隸書書文并戾古矣。

### 動而世爲天下道三句

三句可以禮度文分配。動指威儀。身之禮行則身之度言則身之文也。

### 移民移粟

周禮廩人若食不能人二鬴則令邦移民就穀。又大司徒大荒大札則令邦國移民通財。注移民避災就賤。其有守不可移者則輸之穀。移民移粟荒政所不廢。不可并此盡情說壞。

### 七八月之間旱

周七八月爲夏五六月。故春秋書雩者二十。皆在

七八九月。正百穀望雨之時。遇旱則雩祀以求之。  
綦母邃曰。周之秋在夏爲盛陽之月。故孟子稱秋  
陽。此又周人時月俱改之一驗也。

### 刑于寡妻三句

以妻子較兄弟。則妻子內。兄弟外。至于者。由內及  
外之辭。莫說成兄弟之愛。由妻子而推。

同氣之乖  
半起枕席

不宜於聖人  
身上翻說

家邦只渾言。或以卿大夫有家諸侯

有國分說。亦得。孔氏正義。適妻惟一。故曰寡。不惟  
勝鄭箋。寡有義。并勝注云。寡德。周公作詩。美文王

何必代父母謙耶。

轉附朝僂

轉附朝僂二山。前輩莫能定其所在。嘗見一說云。轉附太公墓在焉。卽武陵也。朝僂桓公墓在焉。卽穆陵也。二山傍西北。近齊國都海在其南。故云遵海而南。無論轉附非武陵。朝僂非穆陵。據左傳。太公賜履。南至於穆陵。則穆陵在南。不在西北。且遠齊國都。而非近國都。可知至太公五世反葬於周。見檀弓。括地志。管仲冢與桓公冢連在牛山上。証

據鑿鑿安得他處更有二公墓此不知出何人杜撰。海在齊之東。遵海而南。必先東之海上。然後循海濱西行。以南至琅邪。故閻潛邱意轉附朝儼。當係海東之山。登之可觀海者。趙氏惠曰。轉附一作轉鮒。屬萊州正在齊東。証以秦始皇二十八年。遼勃海以東。過黃。境界海。証以秦始皇二十八年。遼勃海以東。過黃。睡窳成山。登之。罟南畱琅邪三月。及漢武帝行幸琅邪。觀海事。恰相合。又云。自齊都臨菑。一千三百里。抵海。復自海。一千一百餘里。至琅邪。凡二千四五百里。景公之心。可謂侈矣。



明堂

明堂規制。月令考工記說多不合。何杞瞻謂明堂只是壇。當據覲禮。公玉帶以下紛紛之說。皆非是。考覲禮。諸侯覲於天子。爲宮四門。爲壇。加方明於其上。而設六玉。又周官司儀。將合諸侯。則爲壇。三成。宮旁一門。是宮與壇兼有。蓋朝諸侯。布政於宮。行之壇。則以祀。以嚴父配。天不當在宮室中。行事也。古聽朔于明堂。玉藻聽朔於南門之外。知明堂在國之南。此所言。則方嶽所建者也。周公郊祀。

后稷以配天。宗祀文王於明堂以配帝。世子記。祀  
乎明堂以教諸侯之孝。解者云。巡狩至方嶽。亦得  
因其方之明堂以行此禮。故明堂之中室曰太廟。  
太室也。周之王業成於文王。又明堂本祀文王。處  
故下特舉治岐之政言之。詩我將亦爲祀文王於明堂之樂章

### 後來其蘇

辨疑云。注中蘇字。旣曰復生。又曰蘇息。兩義雜出。  
從後爲長。然息字亦有兩義。一休息。一生息。

邠

邠非古字。唐元宗以幽字類幽改。

孟施舍之守氣節

宋時點本二守字皆一讀。

尊賢使能章

齊桓晉文章。以發政施仁。次第言。故先士。次農。次商。次行旅。此以行於國之規模。遠近爲序。前朝後市。則國中也。以次而郊關。以次而都鄙。故先士。次商。次行旅。次農。而以遠方新附之民終焉。

乍見孺子二句

此只言怵惕惻隱之心。隨見而發。真心不容已。從下。非所以內交三句。反識而出。不容預占。

### 袒裋

此以露臂爲不敬。內則不有敬事。不敢袒裋。又以露臂爲敬古者敬事則袒。如天子養老袒而割牲。諸侯入覲袒而請事。以示盡力之意。若無事而袒。則反褻而見體。爲不敬矣。

### 之楚過宋

顧麟士謂非迂道。閻百詩謂是迂道。按楚在今湖

廣。宋在河南。滕則山東。今自山東至湖廣。必取道河南。左傳。楚子使申舟聘於齊。曰。無假道於宋。華元曰。過我而不假道。鄙我也。由楚之齊。必假道於宋。則山滕之楚。亦必從宋取道。春秋時。宋數有楚患。而滕世役於宋。所云邾滕人之私王。以宋近楚。而滕尤近宋。戰國時。楚地久廣至泗上。滕南與之鄰。若一舉足可入其界。然世子赴楚都。非躡楚境。恐從滕南取道。不若西南渡河。至宋。由河南一直而去之。便。但假道於宋。經宋境可矣。此爲孟子特

至宋都仍須迂道而入。自非求教之誠。將憚往返之勞矣。

### 一廛

一廛注指民居。明非市宅。舊說市宅在後市一區。民居在左右各三區內。統就國中言。按管子先王處農以田野。韋昭謂國都城郭之域。惟士工商而農不與。然則班固所謂二畝半在邑。鄒氏所云民之邑居在都城者。舉不可信。遂人夫一廛。鄭司農云。揚子雲有田一廛。謂百畝之居。據此爲解。自當

粢盛

黍稷曰粢。在器曰盛。周禮天官甸師注及書傳左氏傳注皆然。按楚語天子禘郊之事王后必自春其粢。諸侯宗廟之事夫人必自春其盛。盛亦言春。似非在器之解。公羊傳魯祭周公何以爲盛。周公盛魯公。燾羣公廩。新穀謂之盛。故上冒新曰燾廩。則全是故穀在上。少有新穀。據此則粢盛一例不妨對言。

淮土無田二句

無田謂無圭田。

沛澤

公羊傳注草棘曰沛。漸洳曰澤。

濟人溱洧

乘輿濟人。固偶然事。然溱洧二水。於溱。濟之於洧。又濟之。則非偶然矣。考洧水出河南密縣。東過鄭縣南。自鄭城西北。屈而東南流。經鄭城南門。春秋傳龍鬬於時門之外。洧淵卽此。而溱水卽潛水。出鄭縣西北平地。南注於洧。詩所謂溱與洧者也。子



產濟人必適當兩水合流處故總稱溱洧又說苑  
孔子曰子產以所乘之輿濟冬涉是愛無教也但  
言濟冬涉不指其地想傳聞之事記者亦不能定  
爲何水但以溱洧逼近鄭城子產濟人約略當在  
二水間云

### 以善養人二句

服人養人俱指諸侯說禮記此天子所以養諸侯  
兵不用而諸侯自爲正之具也卽此兩句注脚交  
隣章惟仁者以大事小註訓事爲字字亦養也

立賢無方

無方是不執成矩。注方猶類也。本易繫詞方以類聚。專就人言。

其有不合者

講此句者輒云心理無不合。但時勢有殊異。則周公已見之。了。更思恁麼。又得恁麼。

迹熄詩亡

胡文定楊龜山。竝指雅亡。李安溪云。詩亡殆謂正風正雅亡也。周之東。天子不巡狩。則太史不復采。

四書傳義  
風而風亡其有風者列國謳謠相爲傳播者耳諸  
侯不述職則朝會不聞雅歌而雅亡其有雅者賢  
人君子思古念亂者耳蓋變風終陳靈而賓筵抑  
戒東遷後亦有雅也

卷之春秋

春秋爲記事之名列國皆有之墨子曰吾見百國  
春秋明鬼篇有周春秋燕春秋宋春秋齊春秋不  
獨羊舌肸習于春秋見晉語申叔時言教之春秋  
見楚語也汲冢璣語記太丁時  
事日爲夏殷春秋

不踰階而相揖

階。以。上。下。言。不。以。東。西。言。位。亦。卽。在。階。上。但。敘。列。前。後。視。官。之。尊。卑。不。得。而。踰。後。世。以。官。之。等。級。曰。階。義。亦。本。此。

其妻歸告其妾

六字爲一句。

殛鯀於羽山

殛訓誅。凡周禮禮記言誅俱不定是殺。所云鯀則殛死決非一時事。黃陶菴文自記最好。但文中用

幽囚拘囚字本之蔡傳亦想當然耳

不及貢以政接於有庠

此貢字當如周禮大行人侯服歲一見貢祀物甸服二歲一見貢嬪物之貢蓋因朝而貢非若方貢上貢但遣使而來注補出朝字明諸侯親至貢期卽朝期以政接者朝則有述職之事兩項只一朝字足該之故下來字朱注卽解作朝觀虞書羣后四朝列服各於巡狩之明年分歲來朝是一朝後有數年之隔舜親愛象得不循此例也

齊東野人

齊在禹貢青州之域。爲東方之國。齊東則東之又東。去海不遠。非如西南北三面。皆與中國接壤。宜其耳目聞見之異。俗稱言語不倫者。爲海頭人說話。亦此意。

顏讎由

彌子妻與子路妻兄弟。讎由卽其兄也。嘗以善事親聞。

百里奚虞人節

注故不諫而去之秦元板無秦字

集大成節

樂記絃匏笙簧會守拊鼓明衆器待鼓乃作禮器  
懸鼓在西應鼓在東懸鼓以倡始應鼓以和終是  
樂始終皆以鼓今云金始玉終想金又在拊鼓之  
前而鼓以和終必更俟特聲以收韻又合止祝敵  
亦只是一奏始終之綱紀與金石爲全樂始終者  
固不作也

抱關

固是司門之職。但解闕作門。抱字義無著。說文闕以木橫持門戶也。蓋是門牡之名。一謂之扇。門之設以此橫木爲闕。振啟閉皆須兩手抱持之。故曰抱闕。曲禮入戶奉扇。注扇門闕木也。入戶兩手當心如奉扇然。奉卽抱字之義。經書中有卽以闕爲門者。周禮地官司闕。注云界上之門是也。有指門上橫木者。左傳臧紇斬鹿門之闕。孟椒罪其犯門斬闕。列子孔子勁能招國門之闕。而不以力闕是也。

招音翹舉也



四書偶談  
膏梁文繡

趙注膏梁細梁如膏者也。朱子分膏爲肥肉。梁爲美穀。則文繡亦宜作兩樣。蓋文是繪於衣者。繡是刺於裳者。

凱風

詩序衛之淫風流行。雖有七子之母。不能安其室。又言七子能盡孝道。以慰母心。而成其志。孔疏言母遂不嫁。則成志爲成母守節之志。惟其徒有欲嫁之心。故爲過之。小若如文姜之肆欲無制。則於

先君無妻道於其子無母道何過之大如之。

季子不得之鄒二句

不得之鄒得之平陸須提出君來方見主腦一則君出奉命守國他出是輕其國而違君命一則職任雖重而有君在禮賢爲國可請命而來惟其不得違君命故鄒與任相距僅百餘里亦不得往惟其可請命而行故平陸雖遠在臨淄六百里外不難身至若徒在職任上較論則爲相之責豈必遂輕於居守哉。上文書法最妙曰季任已明國之

親賢與同休戚曰爲任處守有處者故君得以出  
又見處則不得出也曰儲子爲相相者輔君之稱  
君固儼然在其國也處守不必是攝位古人君  
出有朝會之事必擇至親一人居守授之玉節蓋  
內以鎮撫臣民而外杜隣敵之生心非其君有大  
故不得歸則居守不過一時事豈敢便攝君位其爲  
爲相之難當以爲相不且雖有居守重責一切國  
如詔侯介弟之尊親事仍有朝臣分理季子不得之鄉自以國重以君  
命重若儲子爲相軍國子民何所不統亦非職任

全輕假令君不在國當預有守國之責如管仲稱  
之二守衛懿公將戰與衛莊豈得遠出時講立言  
子矢石祁子玦使守是也  
至失主腦

王豹處淇二句

趙注引詩泉源在左淇水在右及河水洋洋北流  
活活謂衛地濱淇水在北流河之西金仁山則謂  
河西自齊言之衛地在東河之西按金說太遠  
三輔決錄曰王豹出自單門

燔肉不至不稅冕而行

大夫冕而助祭。大夫冕而祭於公弁而祭於已。又按孔子爲司寇下大夫一命冕而  
無旒。旣祭則釋服。不稅冕而行。必去祭時未久。祭肉  
不出三日。頒胙之禮。自同姓兄弟及庶姓臣子。下  
至輝胞翟閭。不定本日。盡頒。夫子必無服冕坐待  
之。理惟大夫助祭。本有俎肉。禮所云賓俎旣徹。則  
君使人歸之。恰是方祭後本日。事燔肉不至。當指  
不歸俎言。若頒胙致福。卽稍遲至第二日。未爲失  
禮。夫子釋服久矣。安得不稅冕而行乎。

慶以地

以地之所入爲慶也。王制九州，每州除封國外，原有閑田以祿有功。賜地卽取於本州閑田內稅歸侯國，地仍屬王官。周官司勲，凡頒賞地，三之一食。是三分計稅，王仍食其一。惟加田無國征，似以地全給於民者。王制亦有諸侯有功德，然云無國征，不過王不更稅其一分祿之及身而止，非竟得據圖籍而有之也。此項賦入疑有王官或牧伯使人代收，非聽其置守自征。後世賜邑，竝令世屬諸侯兼并九州無閑田，可給天子致自損所有爲賜。如平王盡與秦岐西之地，襄王以陽樊

溫原之田。子晉侯侯國。安得不日強。天子安得不日弱哉。下文削其地。亦歸之閑田。以待有功。天子不私所有。

南陽

公羊傳。齊侯使高子將南陽之甲。立僖公以城魯。注齊下邑。趙氏注此。謂山南曰陽。岱山之南。謂之南陽。則南陽二字統說。

孫叔舉海

注孫叔敖隱處海濱。是隱跡。非高蹈正天。困之之。

時史記孫叔敖楚之處士人多誤看作隱士一例

孫叔敖卽爲艾獵避呂臣之孫爲賈之子出自

楚公族賈官司馬爲越椒所殺變起倉卒舉室奔

竄雖伯棼卽越椒旋戮孫叔家破無歸加朝無卹典

先人功罪未明海濱避禍隱跡埋名如是者凡七

八年孫叔家難在魯宣公四年爲令尹見傳在宣十一年豈以隱爲樂哉

楚莊王時南境東境去海尙遠左傳楚子使言於

師曰君處北海寡人處南海只是言南邊極頭處

舉海注從趙氏但稱海濱活看自得竟說成與龍



伯國人爲伍。謬之極矣。

荀子呂覽並以孫叔爲期思之鄙人期思卽寢邱乃

莊王感優孟之言以封其子者孫叔楚公族自應爲楚郢人

自范之齊

范今東昌府范縣去臨淄八百里。趙注范齊邑。王庶子所封。望見是於范。望見若於國中見之。則但書之齊。不必記自范矣。

布縷之征

周禮閭師任嬪以女事。責布帛。孔氏曰。嬪婦化治絲枲。故還使貢布帛。禮經會元曰。嬪婦受用者之

室家也。此卽布縷之征。乃九功之一。若宅不毛者。  
出里布爲遊惰之罰。非正賦也。里布之布卽泉。  
令后妃獻繭。收繭稅。是外命婦就公桑蠶室而蠶  
者。故收其稅。並不取之民間。潛室陳氏引此殊誤。

四書偶談續編

外編

太平咸學標翰芳著

傳習

傳謂傳之人。此古注。按外注謝氏云。諸子之學皆出於聖人。卽朱注所云受之於師也。又云獨曾子之學傳之無弊。是曾子又以其傳之師者傳之人也。論語開端。卽記有子曾子之言。爲出自其門人之手。古注似可從。溫故而知新。可以爲師矣。溫卽習也。

賢賢易色

注四者皆人倫之大者。此卽夫婦一倫。或曰。夫婦不宜先君親口。以賢賢作朋友。九經尊賢先親親。此其序也。若作夫婦。易序。卦有夫婦而後有父子。有父子而後有君臣。此其序也。

北辰

爾雅。北極謂之北辰。北辰亦是星。司馬彪後漢志。北辰星含元垂耀。以統列宿。古樂府所謂上有北辰星是也。又據晉志。其星在紫微宮中。卽北極五

星之一別名樞星。樞者天體旋轉南北正軸之中樞也。銅渾家所云北極出地南極入地皆以此星作轉轂之準。假使非星則茫茫一氣何所據以爲準而衆星又惡從而共之哉。自邵子倡爲天無星處皆辰之說因之紫陽亦謂辰非星。至如沈括之論又舍北極中現成一星而於天樞旁別取一小星名極星以作記認。安有極星而可以意造者。○天運無窮三光迭耀而極星不移以衆星共一星猶千萬人歸一人也。左傳三辰旂旗外傳謂三辰

其一是星。又心星亦名大辰。邵子天無星處皆辰之說。自不必執。

吾十有五章

此章煞有難解者。大學工夫。起手格致。卽窮至事物當然。與其所以然之理。注所云極處無不到也。乃彼係始事。而聖人必遲至四十五。旣非爲學節候。又所以然之理。卽在當然中。未有先十年知一半。畱一半。到後十年始知得爲聖人者。假如兩項必到四十五方了。則三十時復何所據以爲。

守是皆於理未安者也。大抵聖人口中固誇張不  
得。亦要略見是聖人境地。十五志學。自必先知本  
末終始之序。依大學條目逐一做去。到三十則物  
格知至。意誠心正。身修己德明。而非新民之本領  
亦裕立者。卓然自成。立蓋聖人之體段。於此已具  
矣。至四十則隨天下疑難事。不足以眩之。又至五  
十則於吉凶消長進退存亡之道。一皆見之。了了  
下學而上達。知天也。自是而。不思而得。不勉而中  
從容中道。殆幾於化矣。勇者不懼。三十時事也。

智者不惑四十時事也。仁者不憂五十時事也。六十耳順則大舜聞一善言境界七十而從心不違矩其諸聖之時者乎。孟子注孔子四十而不惑亦不動心之謂。又云知言則有以明乎道義而於天下之事無所疑。所以不動心然則不惑就天下事說固亦朱子意也。

犬馬能養

包注犬守禦馬代勞皆能有以養人。唐李岐代人表犬馬含識烏烏有情寧懷反哺豈曰能養馬周



疏。臣少失父母。犬馬之養已無所施。宋王豐甫辭表亦有犬馬之養。未伸語。古人類以犬馬比人子。

### 損益

注引馬氏曰。所損益。謂文質三統。原以文質渾括三代。未顯指商質周文。蘇子由言。自古天下無日不趨於文。夏商之時。皆自謂文於前代。而不知後人更以爲質。又謂夏商求周之文。而勢有未至。非有所謂忠與質之名。然則商質周文。後人推論如是。非當日所尙實然。又忠質文質之間。無事可離。

必不得謂夏獨尙此而商周俱所不尙。有謂忠只是朴質頭白直做將去。質則漸有形質制度。設使夏無形質制度。何以爲禮。而又何損益之可言乎。注所損益。不過文章制度小過不及之間。語極包括。馬氏指出三統。特改正朔一端。且改正朔一更易而已。無過可損不及當益也。

### 繪事後素

以粉地爲質而後施五采。此卽白受采之義。然白爲五采之一。於質地上施白。亦是采。但論胎子好。

反不定拘是何色。詩以倩盼爲美質。並未專取容色之白。婦人外澤膏粉白。又豈不是絢。

### 關雎章

哀樂二字。謂從其辭其音得之。則涉空却難實指。哀樂是文王。因想到宮人。試思文王未娶后妃時。年少方就外傳。安得預有宮人在側。若謂王季宮人。豈有父之妾媵。代世子致其哀樂者。前人解寤寐求之。云后妃思得三夫人之賢者。以自助則哀樂爲后妃哀樂。所謂關雎爲好賢之詩也。

南容

南容與南宮敬叔兩人見漢書人物表前輩辨者非一家再以敬叔爲孟懿子兄當本左氏必屬說與何忌于夫子語說卽敬叔先舉疑兄也然昭十一年傳云僖子生懿子及南宮敬叔于泉邱人其僚無子使字敬叔顯懿子先生其母自撫爲兄周法君承姓卿承氏敬叔以弟故不襲孟而別氏南宮諡又曰敬叔叔固非長也

胡璉

明堂位是夏璉商瑚。注浴包鄭之誤。

### 日月至仁

日一至月一至似難爲冉閔諸賢將一字移在日月上與三月對云一日至一月至不看低餘子覺顏子身分更進。

### 自牖執手

注引禮病者居北牖下北牖牖字乃墉字之誤。室制北墉南牖墉牆也。古人室北牆上起柱爲壁。但於壁間西北角有小圓窓名屏謂之屋漏。並無牖。

也。遷南牖下。使君得南面視已。禮疏中有此條。  
民生於三事之如一。君禮尊師。未爲不可。卻說來。  
覺過情意。夫子當時欲入室視伯牛。其家以牛惡。  
疾不敢近。長者力辭。遂遷至南牖下。蓋亦尊師之。  
意。夫子因不復入室。自牖執手與訣也。伯牛癩。  
疾。見淮南子。

女爲君子儒二句

君子儒。小人儒。以器識大小。論不以學術真僞。論。  
子夏篤信謹守。不到徇外爲人。而見小近利。則於。

君子有體有用之學。或未至。謝注對針子夏。似可從。夫子嘗以小人哉責樊遲。爲其瑣細。不知大。人之學。韓昌黎詩云。猶嫌子夏儒。肯學樊遲稼。兩事連用。唐賢固作如是解矣。

### 泰伯

通鑑前編云。泰伯之賢。不下季歷。但以伯無子。

見吳

越春秋及史記而季有聖子。故太王欲改卜耳。此於太王周旋得好。然無以處仲雍固有子者。若伯之讓。自不因已之無子。無子而讓。豈有子而伯遂不讓乎。

關雎之亂

韋昭注國語其輯之亂云凡作篇章義既成撮其  
大要以爲亂辭又云曲終乃更變章亂節故謂之  
亂是則其辭皆就本詩析之而特其音節則前衍  
而後促今旣難據閔馬父所舉那詩之例那詩凡  
二十二  
句分五章而以末章六句爲  
輯之亂輯者促之聲轉也就關雎一篇中斷其  
末四句爲亂不已據燕禮鄉飲酒禮作樂凡四節  
關雎最後至合樂始歌意最後歌卽爲亂然合樂  
共六詩周南三篇召南三篇而關雎爲首不得云



卒章又考工歌間歌各有三終皆自爲起訖未聞  
前樂以後樂之詩爲終者且亂者就本曲之終稍  
變亂其音節以爲收如關雎六篇則無射清商調  
與前鹿鳴六篇之黃鍾清宮調旣判然異曲而六  
篇同調更無所爲音節之變亂也考古多以亂訓  
治如書皋陶謨亂而敬盤庚亂越我家洛誥四方  
迪亂立政丕乃俾亂之類皆然正樂失節師摯首  
定關雎因其亂而爲之理關雎之亂如云關雎之  
治耳又見在官之初諸樂未能盡正雅頌得所必

四書傳  
侯夫子反魯時顧關雎風始首見釐定師摯之功  
爲可念矣

子罕言節

貨殖之士不受命爲富之人必不仁利與二者正  
相反與許也與命與仁明夫子所與在此言利非  
所與也三者例舉似不倫且仁者夫子所以教  
計四書中自言與答語不止四五十處未可謂罕  
言也

麻冕

麻冕非緇布冠。緇布冠卽純是。

戴記大夫佩水蒼玉而純組紱注云

純當爲緇。又周官媒氏入弊純帛無過五兩。注云純實緇字。據此純卽緇布冠矣。

冕以木

爲幹而衣以布。有藻玉之飾。緇布冠上爲梁加纓。

纓而已。易冕以冠爲失禮。然緇布古齊冠用之。

禮太

古冠布齊

齊祭同事而寓崇儉之意。故可從。所謂

君子行禮不求變俗也。

郊禘不至不稅冕而行。夫子於大祭祀仍用冕。

古尺僅當今五寸五分弱。周布幅廣二尺二寸。只

是後世一尺二寸。其二千四百縷雖用細絲減半。

亦無所容。况麻質粗非可甚細。升八十縷爲注疏。

相傳之誤。仁山金氏已疑之。

吾有知乎哉章

本其所自有之理。而竭吾之誠以發之。理盡是卽吾知亦盡。是豈別有知哉。首二句語意正與二三子以我爲隱乎云云一例。天下未有已無知識而能有以教人者。時講先不免以無知也三字與空空等看矣。

苗而不秀章

氣數不齊。半途委謝。天下往往有如此者。此顏子

所以摧芳蘭於早年矣。據古注與上二章相承爲顏子惜也。

可與其學章

可與其學者。能志聖賢之學。知求聖賢之理也。可與適道者。能循聖賢之教。身踐聖賢之行也。立則聖賢之規模。體段已成。權則盡聖賢之能事矣。權是聖人分上事。立是大賢分上事。適道是賢人分上事。可其學是學人分上事。第一層是知。第二層是行。第三層德之成。第四層學之化。

狐貉之厚以居

以居自是褻服。然朱注嘗云。以狐貉之皮爲裘。衣之貴者。又疑非私居用之。且不連上褻裘。長爲一節。亦可疑。滿元吳有一解云。居卽居吾語。女之居詩。文茵暢轂。注。文茵。車中所坐虎皮褥。按古人乘車立而不坐。鄭康成左傳注。古者殺牲食其肉。坐其皮。此蓋以獸皮爲坐褥。記者因類言之耳。

南容三復白圭

三復白圭。南宮縚之行。今人多引南宮敬叔適周。

見金人緘口。孔子教以謹言事爲証。不知南容敬叔。另。一。人。辨見前又敬叔從子適周。據家語孔子三十五歲計當魯昭二十五年。僖子方卒。敬叔不當從行。若史記適周在昭二十年。則敬叔以昭十一年生。才十歲。亦未便能從。皆疑案也。

### 片言折獄

片言一偏之言。可以折獄。卽書所謂明。清。于。單。辭。也。古人訟辭。皆於木書之一告一訴。當具兩木。謂之兩辭。又凡訟必令賣券。券以木爲之中。分而各存其半。臨時取合以爲驗。周禮謂之兩劑。

春秋傳說文片從半木片言蓋兩辭不具者是非  
謂之契。真偽無從據。半木單辭爲斷。於此見子路至明且  
清。非人可及也。易君子明慎用刑。折獄之道。明  
慎而已。片言可折。子路之明。下節不豫諾。又推其  
平日之慎。

### 羿奡

羿但逐大康。代相擅政。及羿死。寒浞據其妻生奡。  
乃使奡興師滅相。春秋魏絳伍員。並言澆殺夏斟  
灌。以伐斟尋。滅夏后相。澆卽羿也。竹書帝相二十



七年。澆伐斟尋。大戰於澠。覆其舟。滅之。楚詞天問。  
覆舟斟尋。何道取之。竝有覆舟字。疑盪舟。只慮如。  
是解。不必遵孔安國陸地行舟之說。

子問公叔文子章

世本衛獻公生成子當。當生文子拔。枝字傳寫誤。  
不近人情者。鮮不爲大奸慝。天下未有不情到。  
不言笑取者。信乎。一問夫子意中。大不然之。及賈。  
對以夫子時然後言云云。在文子能此與否。未可。  
知。自是人道當然。無可疑者。其然豈其然乎。若曰。

據子言乃如此豈有不情若人言如此者乎無怪  
吾向之不信也蓋上其然指時然後言六句下其  
然指不言笑取平時之疑至此一釋口氣緊與信  
乎一問相應

何爲是栖栖者與

栖與棲同古文又作西嚴發碑西遲衡門說文西  
鳥在巢上象日在西方而鳥棲然則栖栖有諷以  
日暮塗遠之意

在陳絕糧

史記繫於魯哀六年。是時陳蔡臣服於楚已久。安有昭王禮聘而二國大夫敢發兵圍之之理。史記家語之說。朱子蓋嘗疑之。意只是塗間資用偶然乏絕。或如舊注孔安國云。會吳伐陳。陳亂。故乏食。斯亦得謂之當阨也。哀二年。蔡畏楚。已遷於吳之州。來與陳相距數百里。所謂厄於陳蔡之間。蓋指蔡故地在新蔡與今陳州相近者而言。與蔡國無涉也。

### 知及之章

首節數之字。指理涖之動之。忽作民似突竊謂章內十一之字。一例指民知及之者。知足以治此民。

也。仁守之者。仁足以保此民也。如此方與下文二路。

政逮大夫四世

四世注指武悼平桓中間。悼子卒在武子之前。未得政。論得政宜云文武平桓宣公失政。正文子得政之始。

謂孔子曰節

通節止諸吾將仕矣五字。出聖人口。兩曰不可。竝貨自詰自解。記者恐人混認聖言。故下特以孔子。

曰別之閤潛邱說

莞爾而笑

莞是莧字之誤。何晏云。莧爾小笑貌。易莧陸夬夬。虞翻注云。莧悅也。讀如夫子莧爾而笑之。莧釋文亦作莧。云本今作莞。不知何時始誤。

穿窬

窬說文穿木戶也。廣韻門邊小竇。禮儒行第門圭窬。注門旁小戶上銳下方如圭。故曰圭窬。穿窬者從窬而穿入爲盜也。穿穿壁窬踰牆似添字爲解。

不施其親

昭十四年傳。乃施邢侯。注。施行罪也。晉語。秦人殺冀。而施之。注。施。陳其尸也。秋官。八辟。必先議親。不得已。則刑于甸師。文王世子曰。刑於隱者。不與國人慮。兄弟不施其親者。至親雖不得已。加刑不忍。陳尸以彰其罪。仁之至義之盡也。然則施字。不須改字爲訓。

與國人交

文王爲方伯。所統諸侯。皆其與國。與國人交者。言

與與國之人交往也。作邦交解。卽朋友一倫事。不然爲人君句。已可該此在內矣。

### 淇澳

水經注。美溝水出朝歌西北。東南注淇水爲肥泉。博物志謂之澳水。又云。斯水卽詩所云泉源之水也。衛詩泉源在左。淇水在右。然則淇澳本二水。

### 所謂脩身章

忿懣恐懼等事。見之於身。由心失其正。此從身逆。溯到心。心無主而昏。則一身耳目口皆虛器。此從

心順推到身上節明出身字藏過心字次節明出  
心字又藏過身字此行文隱顯之法互証自明  
李安溪任翼聖俱不從程子改身爲心

### 鬼神爲德章

總注兼費隱包小大不可泥必以統體鬼神爲大  
祭祀屋漏鬼神爲小則下數章皆就祭祀明孝思  
之極爲費之大者說不去矣且隱卽在費中隨大  
小皆寓不獨此章兼之費可以大小論隱不分大  
小也



徵則悠遠節

注此皆以其驗於外者言之。蓋就一身發見說。所謂盛德之光輝。如其次致曲章所云形著明。俱就本身言。若功業著見自在下覆載成。及如此者。節遽以悠遠博厚高明爲至誠功業之著。則預奪下文。講博厚所以載物節。覺所以字俱難通矣。

博厚所以載物節

三所以字宜玩。言其有是德。則有是業。載覆成是功用。博厚高明悠久。不是功用。又功用實在處在。

不見而章三句。此只論其理。不然如此者。節爲多  
添矣。時解以此節爲至誠功用之及物。卽以博厚  
等字爲功用。旣屬功用。下節又如何說。與天地同  
體。且以下文例之。天地之道。博也厚也。云云。豈不  
是言生物之功。生物自在。今夫天節。覆載成不  
過。借天地上字面言。至誠功用。起下節配天配地。  
輒以同用同體。截然兩節分屬。則講覆載成節。必  
先挈出天地道理始明。其如天地字在下。又不敢  
顯說。不得已。諱言博厚。卽其所以載物處。欲暗以

其字代天地。腹講不明。皆泥注不通之故。

南辱於楚

楚魏不時交兵。南辱於楚。當別有其事。注引與楚將昭陽戰。敗亡其七邑。卽魏世家楚敗我襄陵。乃惠王子襄王時事。又據楚世家懷王六年。使柱國昭陽攻魏。破之於襄陵。得邑八。注七邑是八邑之誤。

莊暴見孟子章

章內二十餘樂字。皆悅樂之樂。惟鼓樂之樂是禮

樂字觀末節同樂一結及中間鼓樂田獵對舉知  
通章竝非論音樂也宋陳善嘗有此說然則前面  
好樂卽當照詩好樂無荒解讀而左傳晏子有古  
而無死則古之樂也語亦言今樂古樂之一証

則何以異於教玉人彫琢玉哉

朱注教字卽作上使字看趙注至於治國家而令  
從我是爲教玉人治王也大賢治國玉人治玉皆  
豈煩人教哉此解教字著實能緊承姑舍女所學  
而從我句來如朱注是王明於治玉如趙注是

王并。不明於治玉。朱注是深怪其異。趙注是嘆其無異。

### 曾西

經典序錄曾西。字子申。曾子之子。受子夏詩。按古人名字相配。申在西方。楚鬬宜申。鄭公子申。皆字子西。曾西卽曾申無疑。

### 曰吾有所受之也

謂受教於賢者。乃世子答父兄百官語。下文謂然友曰。接去方不鵬突。

貢助徹

一夫受田百畝。舊說皆然。嘗竊疑之。周尺步雖短。

以今尺步度之。

王制周以古八寸爲尺。今官尺十寸其度畝之尺亦減二寸。與周尺

等。周六尺爲步。步百爲畝。今以六尺爲弓。弓二百四十爲畝。

以百畝計。亦有今四

十四畝。零以天下之衆。夫受百畝。旣田不足給。且

一夫之力。安能佃百畝。在口衆者。一家主伯亞旅。

可分任。若止一夫一婦。勢必全恃闢民傭作僱賃。

而口多之家。與口寡者一例受此百畝之數。未免

厚薄無分。因悟周法授田。蓋以百畝爲一夫。而非

以一人爲一夫。據司馬法言畝百爲夫匠人明言治野夫間

有遂設以人爲夫。豈得言夫間大底井法一定。井法

始自黃帝三代皆未有更易井必九區區必百畝。有謂夏尺

十寸殷九寸周八寸百畝七十五田之多寡因尺之大小而殊然周尺僅減夏二寸不應夏五十

畝周便增其授田之數亦必皆視民口廣狹爲多

至一倍寡之準。地官小司徒注一家男女七人已上授之

地所養者寡也上地下地之授皆視其家男女多寡豈有不問其家人數而一例受田百畝之理

在夏五十而貢者其時人稀口狹故減百畝之半

授之而已足也。殷七十而助者其時人稍衆口稍

繁故就百畝而予其四分之三本七十五畝亦不

全授也至周則生齒日盛家口盈溢始舉百畝全

授然其全授者必如孟子所謂八口之家若家口

不及八人或僅止一夫一婦自當就百畝而遞減

之周法民有餘力者許於分外請授餘夫田二十

故有一家受田百畝稱一夫者有合數家共受田

百畝而亦統稱一夫者此法三代皆然特夏授田

無過五十商無過七十皆以民口之狹故周常滿百全授

耳第孟子又言八家皆私百畝似乎家得一區無



數家合受者。不知孟子所言皆是舉其大綱。且或一姓兄弟子侄受田均在一區中。斯亦得統謂之一家也。

### 餘夫二十五畝

此項田必非別置。意就八區中受田有不及百畝者。俾餘夫受之。湊成一夫耳。再按內則注三十受田。何休賈公彥皆謂二十九以下任其年力受餘夫田。漢志二十受田六十歸田。此二字是三字之誤。年十六別受田於古無考。

五尺之童

周聘侯云。孟子有五尺之童。論語有六尺之孤。周禮鄉大夫有六尺七尺之年。所謂尺。非尺寸之尺。蓋古者二歲半爲一尺。五尺十三歲。六尺十五歲。七尺則十八歲也。按禮注又以七尺爲年二十

決排注江

漢入江。淮受汝泗。不入江。講水道者。大費幹旋。何義門謂汝漢淮泗。是水之大。而施功多者。而字以下略。讀斷。謂其他小水。皆注之江。則解經包括於

水道自渾然無礙

曰昔者三句

昔訓前日則來已幾日下難言舍館未定矣蓋昔  
應訓夜穀梁辛卯昔傳日入至於星出謂之昔左  
傳哀四年爲一昔之期天官昔人注昔之言夕也  
莊子天運篇通昔不寐列子尹氏役夫樂正子以  
昔昔夢爲國君張湛云昔昔夜夜也  
夜至倉卒辨來非幾日不知師弟之誼非初聞名  
者比請謁何論早晚蓋朝見曰朝夕見曰夕古人  
原有夕見禮也

符節

周禮門闕用符節以竹爲之是八節之一

牧宮

牧宮書作鳴條。按桀都安邑而湯都亳。亳居安邑東。鳴條在安邑西。陟又出其西南。河曲之南。湯伐桀。宜從東徑至安邑。乃從下反上升陟。趨鳴條。蓋以臣伐君。不敢正偪。迂道遷延。有庶幾其君改之之意。又以見遲遲而進。湯於此終懷慚德也。

湍水

許慎淮南子注。湍水行疾也。說文。湍急瀨水。惟其  
行疾而性急。已有不能把握之勢。決之遂往。何分  
東西。此於湍字本解既合。兼得告子取喻之意。

### 關弓而射

鄉射禮不貫不釋。注云。貫古文作關。呂氏春秋中  
關而止。謂關弓弦正半而止。卽儀禮所云不貫也。  
貫與關古今通。關弓卽貫弓。後漢祭彤傳。能貫三  
百斤弓。司馬貞曰。滿張弓。一云。貫謂上弦也。知貫  
之爲義。卽關字不煩解矣。

史記五子胥傳。貫弓執矢。嚮使者。注云。貫。鳥還。

反知貫本

讀作關

### 無有封而不告

李安溪謂此句繫在交隣之後。蓋存亡繼絕如城  
楚邛封衛之類。非指本國臣下。然此伯主創見之  
舉。他國未必能必兼本國。如晉封桓叔於曲沃。類  
理方該備。或云。封卽窆字。易不封不樹。虞仲翔  
曰。穿土稱封。封古窆字也。檀弓縣棺而封。康成注。  
封當爲窆。下棺也。諸侯五月而葬。同盟至有喪必  
赴於諸侯。不告謂不赴告喪凶事故。特於末言之。

若封國當以類列前數命中。

百里奚舉於市

按此言舉於市。與史記稱秦贖之於楚不合。或曰。市者以物市之。秦以五羖羊皮贖奚。卽市之之意。非舉之市上也。如是則兩說可通矣。

王子有其母死者節

厭於嫡母。注采陳氏。卽吾台質憲先生。名耆卿字壽老臨海

人官國子司業但按喪服記。公子爲其母練冠麻。

著孟子紀蒙原文有麻衣縗緣。旣葬除之。鄭注云。諸侯之妾子。

厭于父。爲母不得申。權爲制此服。諸侯尊絕。旁期以下。何有于妾。傳曰。君之所不服。子亦不敢服也。是則厭于父。並非厭于嫡也。陳氏誤本。趙注集注亦沿之。

### 追蠡

筆乘云。字書無以追爲鐘紐者。豐氏因考工記。鐘懸謂之旋。旋蟲謂之幹。又因蠡是蟲。遂附會云。然細詳追。只是槌擊之意。凡槌擊之處。率摧殘欲絕。有如蠡。蠡之形。蒼追者。槌也。蠡者。以形似也。



## 孟子之滕章

孟子書多以孟子語為主。此章或人言後。孟子默無一詞。蓋夫子設教云云。不是自認其非。仍是明其不能無疑之故。越解越真。孟子直置不辨。蓋不足與較。於此見待小人之道。未必取其言合於設科之旨。從者之謬。係有人因館人求屨。不得私與議。及及館人聞言駭責。乃更飾詞置辨。通章無孟子語。亦非對孟子語。此說聞之周鏡初先生。鑑名於情理較合。不然孟子大賢國之上賓。館人何人。

四書傳說卷之四  
敢面誣從者以不情之事哉

羊棗

羊棗非棗。乃柿之小者。俗呼牛嬭柿。一名榎棗。

曾皙

孔子生魯襄公二十一年。至昭公七年。季孫宿卒。孔子纔年十七。子路少孔子九歲。論語齒敘曾皙。又在子路下。季武子死時。計皙尙在幼穉。檀弓所載倚門而歌之事。不足信。

散宜生

大戴禮官繫篇。堯娶於散宜氏。漢書人物表。女皇  
堯妃散宜氏女。然則散宜氏生名。